

The Electronic *Manipulus florum*
www.manipulusflorum.com

Consciencia c
cum fonte primo

Vnusquisque non intermittat opus probabile,
siue a pluribus uideatur, siue sine arbitro sit.
Habundat enim sibi locuplex testis consciencia.
Fugiat eciam mala et obprobria,
eciam si se credat non posse conuinci.
Nam et si clausus parietibus sit
et coopertus tenebris sine teste, sine conscio,
habet tamen facti arbitrum quem nichil fallat
ad quem facta clamant omnia.
Denique clamauit et uox sanguinis.
Seipsum unusquisque et
animum suum seuerum iudicem sui
ultorem sceleris et uindicem criminis habet.

Ambrosius in epistola ad Constancium.

Edoce etiam atque institue,
ut faciant quod bonum est, et
unusquisque non intermittat opus probabile,
siue a pluribus uideatur siue sine arbitro sit;
abundat enim sibi locuples testis conscientia.
Fugiat etiam mala opprobria,
etiamsi se credat non posse conuinci.
Nam etsi clausus parietibus sit
et opertus tenebris, sine teste, sine conscio,
habet tamen facti arbitrum quem nihil fallat,
ad quem facta clamant omnia.
Denique clamauit et uox sanguinis.
Se ipsum unusquisque <...>,
animum suum seuerum sui iudicem,
ultorem sceleris et vindicem criminis habet.

Ambrosius Mediolanensis, *Epistolae*, 36.9-10
(CSEL 82.2, M. Zelzer ed., p.7, ll.83-94).